



Sultan Ahmad Shah bersama Hassan Basri (tiga dari kiri) dan Abdul Hamid (dua dari kiri) dan Shahrollail yang menerima **Anugerah Maulidur Rasul peringkat negeri** di Kuantan, semalam.

(FOTO ZULKEPLI OSMAN/BH)

Sultan minta perbanyak program bela umat Islam

Kuantan: Sultan Pahang, Sultan Ahmad Shah meminta kerajaan negeri bekerja lebih keras, termasuk menerus dan memperbanyakkan program turun padang bagi memastikan nasib umat Islam di seluruh negeri ini terbela.

Baginda bertitah, program turun padang membolehkan pegawai dan kakitangan kerajaan negeri melihat sendiri masalah umat Islam, sekaligus mendapat maklumat tepat mengenai keadaan semasa serta isu yang sering menimbulkan kebimbangan

mereka.

Sultan Ahmad Shah bertitah demikian pada Majlis Sambutan Maulidur Rasul peringkat negeri, di sini semalam.

Baginda turut berkenan menyampaikan Anugerah Maulidur Rasul kepada Timbalan Naib Canselor (Hal Ehwal Pelajar dan Alumni) Universiti Sains Islam Malaysia, Prof Datuk Dr Hassan Basri Awang Mat Dahan; Pengasas Maahad Tahfiz Wa Ta' Limil Quran Jerantut, Abdul Hamid Busu dan aktivis masyarakat, Shahrollail Basri.